

續修四庫全書



《續修四庫全書》編纂委員會編

續修四庫全書

上海古籍出版社

九六〇・子部・兵家類

登壇必究四十卷(卷一至卷十九)

〔明〕王鳴鶴 撰

21123/10

登壇必究

〔明〕王鳴鶴撰

○ 刻 據
八 本 北
毫 影 京
米 印 大
寬 原 學
三 書 圖
○ 版 書
八 框 館
毫 高 藏
米 二 清

登壇必究

登壇必究自敘

淮陰王鳴鶴撰

人亦有言天下安注意相天下危注意將安危之間難易辨焉此奚俟智者而後審之今之任相必儲材於翰苑雍容經術養德養望垂十數禩而

登壇必究

自序

一

遴選自公登庸有赫輔翊佐命寧極和鈞揖讓人主之前睥睨百僚之上安常履順斯何容與也而至於將則難言之矣任疆場之寄當烽羽之衝頃而操戈頃而遇敵以一身繫民社重而倉皇赴命之不暇故非智無以

察微非勇無以率衆非仁無以得士
非威無以飭武非賞罰之公無以示
懲勸之數者非嘗試漫爲可以僥倖
萬一甚至矢石交下志懷裹革得之
天植者又幾何人哉故仰觀俯察博
采旁搜上下古今考鏡成敗蓄之有
素然後出之裕如不至木彊貽譏于
漢史木偶見誚于蘇氏斯將之善者
也今世輕武弁而久之武弁亦自輕
寢淫成俗幾於不振挽強蹶張者不
事考索頑詬執袴者湛溺自安嘗觀
世胄子弟傴僂一官目不識一丁舉

筆如扛鼎語以忠君愛國之道審機
達變之權則曹乎無知嗟哉乎若而
人也而遽使之當一面其不至敗乃
公事幾希矣兵書行世如武經七書
及百將傳奚翅著龜顧家誦戶習目
爲常談其或散見經史諸家切于兵
事者汗漫廣衍博綜匪易余不佞少
遊膠庠志在觚管尋以世資受襲倖
叨
制科捐身忘私圖報
國恩有日矣每檢閱載籍凡有裨將
略者手錄盈筭彙成簡編得四十卷

題曰登壇必究大都爲吾武人津筏
乎哉當戎事執掌張軍野宿勢不能
多攜卷帙自隨而茲刻所載行事則
前賢之芳軌議論則已試之鴻謨顯
而戰陳攻守微而占候推測衡而祭
禱醫藥之類開卷具存瞭然在目如

登壇必究

自序

四

挾貲而遊市肆粟帛魚鹽蔬果薑芥
靡不適用者矣特恨采輯多遺分類
未當蓋冀沿求益廣以俟後圖凡我
同志或有秘錄毋吝寄將共成厥美
余不佞且有厚幸焉萬厯戊戌歲冬
月吉旦書於白狼公署



登壇必究叙

夫易水地合體曰師之勢險而
其用陰聖人之不得已也然丈
人用之則吉無咎本諸德曰剛
中凡兵得之若驚失之若驚輕
率而易動持於而寡斷利可以
序一

誘卑可以驕聲可以奪疑可以
間繇不剛也知道而不知退能
勇而不能却剛愎而自用執一
而不化嗜殺而不悔繇不中也
不剛不中非德也是其將猶嬰
孺子可褻而虜矣丈人者何其

道以貞其行以順其養民畜眾
以久其出以律其謀以臧敵可
乘以執言時不利以左次獨知
獨勢則弟子不庸使貪使詐則
小人勿棄其不動難知如地其
因形制變如水其取不盈險不
序二

失信象坎其柔而動剛舍先迷
而趨後得象坤而剛中之德一
爲一之以守其真適之以達於
變靡不測也靡不完也不比於
咎而皆在於吉德是之謂丈人
是故國有事君爲之築壇坫而

禮焉國之六師率以聽焉閭以
外專而制焉皇々乎被三錫而
南國承家也不偉然丈夫之烈
乎哉故將未有不知易而能知
兵者也世所傳兵家者言離之
而三析之而六窮之而十三是
序三

於易爲附贅而況其多乎今觀
王君之著書也則又以益多大
之而三垣九野風雲氣候之徵
遠之而窮髮大荒海嶼扶桑之
國顯之而律度權衡戰克攻取
之法幽之而太乙六甲出神入

妙之機博之而握奇乘之八陣
六花之變瑣之而技擊劍術方
葉卜筮之說證古義則六經百
氏之遺文憂時務則名公鉅儒
之疏議廣矣博矣難測究矣至
讀其帷間答向一書抽扃啟秘

序四

撥乎心精又約之乎其言之也
王君之論曰非博不足以盡智
非約不足以盡神敵之設詭無
窮將有所不知則疑之則怯之
則泥於剛中之旨悖矣約之為
用神乎神乎不可思議神而明

之存乎其人也蓋深於易矣故
夫眾多而亂術多而禱有淮陰
氏則多而益辦垓下之勝也為
趙括氏則讀父書而不知其解
長平之敗也善讀王君書者而
以約求之乎則為淮陰其徒以

序五

多求之乎則為趙括是多之益
以長其眩瞶迷惑而未能自得
又奚益於勝哉不佞書生也何
知兵少而受易則竊易剛中之
旨以告弁士又非敢言知易也
王君仁而武沉而有謀蓋庶乎

今之丈人其必以不佞言為信
矣遂為之叙

閩中徐鑾鳴卿書



序六

登壇必究卷叙

余甥王羽卿出自將門少負偉志慷慨期勒燕然封
狼居胥之奇勛以故棄青衿襲干戈長丙戌舉武進
士高第累功遷今副總戎夫羽卿雖左烏號右夏服
周旋鞭弭橐鞬間顧手未嘗一日廢書鈴閣之暇幾
于二酉腹中武庫不減數萬甲兵間集兵家言為登
壇必究若干卷書成來示余余一再流覽則孤虛旺
相配塞形勝虛實向背之數臨機決勝之奇以至軍
興所須洪巨纖悉靡不備是矣乃屬余序諸首簡余
登壇必究序

辱在葭莖豈能無言以謝羽卿也余故文士不知兵
然竊有慨于中矣嘗怪趙括讀父書而為婦女子所
嗤笑房琯用古戰法小試輒挫敗何不效之甚也嗟
乎其為介冑不知書者口實也必此兩人者夫圻父
陰謀諸書猶古方書也非扁鵲倉公善用之即殺人
庸醫也漢武帝欲以孫吳兵法教驃騎不肯受曰將
顧方畧何如豈能效人齒類如刻舟求劍之為余聞
羽卿建牙狼山諸所為倡勇敢激忠義具有方畧人
人稱為大將材然士亦無不人人奮者蓋庶幾不愧

驃騎風至于國爾忘家之意大都露所自叙中則羽卿登壇事業有不盡于是書者是書也其不過羽卿之緒論而武弁家之津筏也與夫以羽卿之才猷雄畧當不至終爲簋鳳爲韞廌其翔千仞而搏秋空直且莫也者況今天下南北搶攘羽書旁午


聖天子拊髀思干城之臣一旦授金印如斗大俾橫行四夷中然則勒燕然封狼居胥此其時已羽卿勉旆哉余且拭目以觀爾登壇勛也

萬歷二十七年己亥夏五月吉

登壇必究序

二

賜進士第中順大夫應天府府丞東海張朝瑞撰



王羽卿傳

王鳴鶴字羽卿其先鹿邑人居山陽世襲海州守禦所副千戶初爲海州儒學生既承襲遂中萬歷壬午武舉人丙戌進士授淮安衛指揮同知陞湖廣鄖襄守備以定鄖陽軍變有功陞湖廣行都司僉事兵部考選天下將材第一陞陝西游擊尋陞甘肅永昌叅將套賊勾西人內訌防守固原逐賊出塞陞貴州清浪叅將征播州楊應龍屢獲全勝又征邛水苗蕩平巴梁鬼計等十九塞征樂平斬阿

禮生等陞狼山副總兵擒江洋大盜陳忠等又改管婺川偏橋騰衝諸叅將旋以斬獲有功陞五軍營左副將歷陞廣西卦印總兵累官驃騎將軍南京右府都督僉事鳴鶴素韃好學雅擅吟咏詩篇清麗恬然勝流淮安府志按鳴鶴雖籍海州實居山陽所著登壇必究等書自署爲淮陰王鳴鶴可證也

登壇必究傳

一

續修四庫全書 子部 兵家類

登壇必究目錄

第一卷

天文

第二卷

玉歷

第三卷

太乙

第四卷

奇門

登壇必究目錄

第五卷

六壬

第六卷

地理一

古九州 北直隸 南直隸
浙江 江西

第七卷

地理二

福建 湖廣 河南

第八卷

地理三

山東 山西 陝西 四川

第九卷

八

地理四 廣東 廣西 雲南 貴州

第十卷

兩直各省事宜 北直隸 遼東 山東
南直隸 浙江 福建

廣東

第十一卷

兵柄

將權

將帥

第十二卷

登壇必究目錄

選將

任將

賞功

賞罰

第十三卷

簡閱

選兵

教兵

訓練

二

第十四卷

威武

懷遠

京輔

郡國

第十五卷

征討

軍行

下營法

登壇必究 目錄

第十六卷

軍制

經武

軍情

第十七卷

屯戍

屯田

城守

守邊

第十八卷

馬政

相馬

車戰

用騎

奇伏

第十九卷

師律

師戒

登壇必究 目錄

號令

第二十卷

叙戰

百戰

戰地

戰陣

第二十一卷

攘夷

外夷

第二十二卷

四夷

夷情

譯言 附譯語

第二十三卷

北狄

胡名

第二十四卷

東南海夷

登壇必究 目錄

五

朝鮮

東倭

第二十五卷

江防

水戰

第二十六卷

過盜

第二十七卷

攻城

第二十八卷

守城

第二十九卷

器械

器圖

火器

營器

第三十卷

劍經 附長鎗

登壇必究 目錄

六

第三十一卷

漕河 附漕運海運

第三十二卷

烽燧

間諜

祭禱

謀主

醫藥

第三十三卷

陣圖一

第三十四卷

陣圖二

第三十五卷

陣圖三

第三十六卷

陣圖四

第三十七卷

奏疏一

登壇必究

第三十八卷

奏疏二

第三十九卷

奏疏三

第四十卷

奏疏四

七

登壇必究 凡例

凡例

一是輯止取別刻有關兵事者乃係昔時隨閱隨筆未暇彙帙分類多端且未嘗參入已見緣武人智識短淺不敢與當世名公鉅卿頡頏而譚時事惟恐爲高明所竊鄙故專事彙輯而鮮發揮閱者亮之

一是輯有奏議文移論辨籌策類各不一內有稱臣稱名稱字稱號及稱某公悉仍原本未嘗改易閱者幸毋以異同見罪

登壇必究

凡例

十

一輯中有名公奏議皆據別刻所載亦知挂漏固多非有成心去取

一天文及陣法內有無裨實用者姑悉存之以備參考其間可信與否智者能辨之一或刪削恐好事者疑爲未備妄增奇異愈繁愈詭徒亂耳目

一各路將臣忽聞方隅之警必先察里道之遠近以審敵情之緩急地理於兵家亦最切者故省直道路及府衛州縣據一統志與皇輿考所載撮輯備覽誠不憚煩志者幸亮之

一戰陣奇伏攻取之機及新變火器諸法皆別刻所舊載盡輯篇中或有秘開不敢概刊兵道尙詭豈宜輕泄雖別有帷問答問問嘗及之然亦不敢不慎秘也閱者幸諒其未備云

登壇必究

凡例

二

登壇必究卷之一

淮陰王鳴鶴 編輯

姑蘇袁世忠 校正

輯天文說

王鳴鶴曰天文微渺難言矧我朝有私習之禁而又不容以易言者也天下臣民恪遵憲制無敢軼越故今世占候獨決於靈臺如漢太史公父子世官其業而他無與也雖然祖宗之禁不過爲妄言妖術箴警人心者設耳至若受命制閭

登壇必究

卷之一 天文

一

敵壘相向吉凶禍福勝負所關如日月有顯晦星辰有變遷風氣雲物有稔祥感應之機捷於影響不有先覺何以早計而預待之墨子以帝殺黑龍而不利於北方戴洋以焚惑逆行而知石晉之敗故古者重時日徵陰陽未之有改也今於世所諱言及一切妄誕之書皆不敢槩輯以干明禁至於見今刊行于世及頒降自上如文獻通考玉厯祥異等書敬採其切于兵事者彙以成軼庶便臨戎備覽焉